

續

耆

舊

續耆舊卷百三

東村諸子之三

邱文學承嗣字吉士一字玉冊其父南英故有道君子也少與邵尚書輔忠善已而出露殊途尚書陷于奄党遂不相聞問丙戌年八十垂死問文學曰汝曹知邵尚書能死國否一死尚可挽蓋也言之者三而卒周先生囊雲忠其墓大書此事以喪之文虎為董戶部守諭堦少隨侍戶部學與其婦弟道權相族屬邱氏風流儒雅之盛自文學始文學于邱氏為尊行前舍人梅仙尚屬其族子也學士大夫過城東之邱氏以文學為祭酒此著有三樹堂集以人不傳詩存四明畫史耳

東芝源

三冬生事付烟蘿貽我新詩引興多排悶惟尋金谷酒療飢難覓

玉山未裳無奇字人誰訪庭有虬枝客許過好束歸裝同翦燭秣陵風景駐懸河

自上海去世八越月矣小寒夜坐偶成二律即次芝源見懷

韻

兀坐茅堂伴薜蘿每因時節念君多擬從蕭寺收遺稿轉憶春蛙看樵未樵下自嗤王濟癖林間無復阮咸過悠懷抱憑誰語愁對湯、東逝河

故人去矣獨捫蘿往事追思感慨多漫賞篋文葩似錦窮伶運艸綠于未當年有客提壺訪此日向人訪栗過論到交情卑薄俗衆流若個砥江河

錢徵君字穉廉一字東廬山東提學副使啟忠子少孤副使之卒
方三歲其丁國難方面歲當是時先生之再從兄太保忠介公
闔門航海家被籍田戊子之辛丑死國者四人太恭人挈先生
避兵武林依外家遂從外家之姓為高氏已而事定始復姓長
而勵志讀書以經世之學自任不屑為里巷曲謹之儒副使之
講學出入于蔡雲怡黃海岸朱震青林任先之間參以宗門之
旨及姚江黃先生至鄞申明戴山之學錢氏子弟多從之游而
先生才氣橫溢思為王霸有用之學以見于世取自象數兵法
地險無不推究遙接同浦稼軒一派副使山左諸門下是時多
為大老聊城傳閣學以浙欲荐為中書舍人不就取藩之亂和
碩康親王提軍至浙武定李閣學之芳為制府從之問策先生
授以秘傳火攻之法按壬遁支干行之師遂有功王命敘先生

從征動授官先生以母老固辭不赴武定亦欲荐之先生中夜遁去先生有姊適杭之許觀察文岐為子婦觀察死難姊寡居無子先生迎養之終身副使有妾葉氏隨任江西後為尼先生歸骨祔葬之尤篤于友誼高鄭州寒往推為鮑叔然先生以不世之志乘可以取進之資而隱約東序以老其故蓋有非人所得知者子中盛際盛往盛皆與予善際盛早卒中盛最為有飲助于予采詩之役者

先生鼻岸自喜却極留心世故梨洲先生語之曰却莫理會饅頭夾子也然徵君終其本色嘗以陳文堯山過于恭謹諧之曰歲月都從揖讓過聞者為之軒渠

杲堂晚歲石友三人曰董在堂曰邱憬齋曰錢東序而于東序稱許尤至詩云天下史才稱萬八目中奇士有錢三

是也東庠詩篋不戒于火今以存者其劫灰耳然東庠詩却不與岳堂惺齋同派

得高州守鄭寒村詩以答之

負末東郊東知交斷跡跡有友稱素心遠官在天末今年忽書至
計程兩閱月念我魚荒情共我共愁輒寒村双白頭萬里久睽隔
尊觴豈不思欲歸、未得江水為誰清江月為誰白觸藩感羝羊
進退何牽掣人生一百年三萬六千日

白髮

白髮双眸老更明狼貪兔狡任縱橫已拚眉目都非寔何必皮毛
尚忘名寄與漁樵呼尔汝怕遭庸妄喚先生當年肝胆又何在寥
落華顛不勝情

邱鉅野克承字紹衣一字艾軒康熙己酉舉人官鉅野縣有幹畧
山東盜獮王天鑑者大為河北患鉅野以元旦乘其不意擒之
餘盜悉平其司教義為時宗忠簡黃文獻王忠文集皆其鈔校
也其詩出于趙丈人選之門有曲靈之遺音

曹孝女廟

孝女悲失怙抱死出九淵百身難贖父一念可通天廟有神靈肅
江存姓氏傳中郎題字雲碑碣讀犹完

題錢孝直先生籲冤錄

承顏依獄吏拭淚授麟經即臥桁楊地猶趨詩禮庭訟冤遲釋褐
下詔竟除刑孝子回天力榮名炳日星

忠孝不易盡先生兩得之空城為郡後南國際危時抗疏驚羣小
拂衣歸舊茨此心存天地百世可為師

和李果堂夏日散懷韻

小寺門前近鐘磬
歛未曾生來不佞佛
興至或尋僧駐梵
傾双耳
扶藜仗右肱
昔年讀書雲華閣
可重登

田園門以外一逕
繞芳野秀凌禾旆
叢篁漲笋梢
家貧無宿醞
市近有多耆
老婦留簪珥
容吾款故交

續者舊卷百四

證人講社諸弟子詩

乙巳之春甬上諸子始執贄于姚江黃子之門時同行者陳
夢獻赤衷張旦復汝翼馮蓋仲 陳非園紫芝范國震光

陽陳介眉錫嘏並在中允瑤董二嘉允珂董異子道權陳同
亮自舜董自貞允璋鄭禹梅梁萬公擇斯選萬充宗斯大董
吳仲允璘仇石濤 萬貞一言仇滄柱兆鰲王文王之坪

萬季野斯同張天肖士培心友士塤張梅先九英李錫衷開
張璧符九林陳和仲寅衷錢漢臣魯恭凡二十七人後又益
以高揆采亭亮黃旦賜道暉陸鈐侯盤張有斯錫琨一時束
脩之彥皆萃矣

陳明經赤衷字夢獻一字環村明光祿士京族子也梨洲先生誌

其墓曰丁未戊申間甬上陳夢獻創為講經之會搜諸家經學之書異同志討論得失一義未安迭互蜂起賈馬盧鄭非無絕越必倍害自和而後已使至心敬往、有荒途為先儒之此未廓者數年之間僅畢詩易三礼諸子亦散而十之四方然皆有以自見嗚呼盛矣非夢獻開其溝澮曷克有此當講會初立郡中此未經見舌舉口張夢獻擅拳欲歐其人惶恐避去不致同盤而食有以格物之說自誇獨得歷詆宋明諸儒千里來見夢獻貴宗勾桡折其角而去其自信之力可謂惡言不入者矣夢獻幼而力學在諸生中赫然露立累為公府監拔而夢獻以學問之道非場屋此究竟乃入天井山與苦節名僧屢淹星鳥嘉然冰解而返求之六經近理乱真之說始不且以感之故其論學諸書洞蕩胸臆能釋連環之結康熙庚申以貢士入都廷試

當是時

天子留心文治招才藝釣之上取士歌牧之中士之閑一藝者
莫不鎖匙而出玉峯之門士雖青雲中卷為林自夔獻入而投
分寄意以淵儒願學待之其子弟奉學焉會 天子纂書夔獻
之討論玉峯委心自昵公卿間物譽川流顧一二忌者隔之
清途夔獻本有佐世材用雖在窮閭厄巷之中無悠、落、之
論頓挫場屋晚乃以殊墨鎖碎出於名公大人遇一二知者別
異之亦未有都堂審察之命并其固有之儒官而奪之夔獻即
未必以此盾懷然而不可謂之窮已丁卯四月初六日卒于京
邸平六十有一夔獻勇于為義急難寔助不惜委轉以行其志
而人亦以此多歸之

越城懷古次龔千谷韻

禹穴當年土未乾石梁好整舊衣冠無餘守祀傳圭瓚句踐爭盟
擅敦盤越水于今猶霸國青濤從此不安瀾臥龍山上凭欄望回
首風塵著眼看

鑑湖一曲一扁舟歌舞山前繞翠樓霸越已消君子恨治吳何解
美人愁亭臺東晉為遺蹟陵寢南朝只廢邱江左幾多名勝會稽
原是舊揚州

江城過露落桃花可是仙源羽客家寂、樓臺映岩谷、歌管
聞溪沙右軍亭畔觴流曲賀鑑湖邊月影斜閑步若知無限好曉
來零雨暮飛霞

張文學汝翼字旦復一字學齋雍睦堂之後也

河渚雜咏并序

河渚雜咏倡萬子公擇張子止菴和之各有小序施子贊

伯復裁小序為四言古其和詩仍用七言絕句凡二十四
首余至河渚登秦子開地暫棲閣同贊伯暨徐子孝先開
窗遠眺縱談往昔慨然有偕隱意歸途和前詩因增暫棲
閣一首共得二十五首自愧效顰聊志向往云尔

河渚

渚在西湖西城離會城十餘里四圍皆水風物幽雅民俗
淳朴隱君子多携家其中

高隱曾聞河渚名三春向徑夏秋更將携兒子歸東甬特泛扁舟
訪友生

西溪

河渚溯而上即西溪也山川幽邃萬氏山莊在焉

昔年萬子說西溪繞屋梅花護翠微曲水西來到海渚香風疑滿

故人扉

清華山

自秦亭山而西至于崖下名清華山中有龍歸塢花塢竹舍茅庵梅樹參差之景

秦亭綿亘清華山竹舍茅庵迤邐間為問龍歸何處是但留花塢是間、

千金地

地廣數頃饒魚利故名

千金何必問陶公一曲滄波湖水同但使漁人毋竭澤年、可補力田功

山行

沿山十八里相傳宋時往洞霄宮輦道今為桂逕枳棘充

路

沿山輦道洞霄宮僻處湖山禱祀同一自六龍歸海後至今樵徑野人通

野渡

環渚皆水非舟莫渡臨流有待隔岸相呼

曲、溪流斷野橋風塵無自混清標幽人獨步深山裏月滿溪頭嘆野舸

放艇

溪無大舟放艇往還不聞欸乃之聲如同飛翰之疾

長篙短棹趁河開高岸低田逐客來忽到孤村幽曲雲數疊啼鳥落山隈

垂釣

春風秋月獨釣自娛水空心遠志不在魚

偶然垂釣野溪頭水底清天動釣鉤不為充庖爭市利但教整野
且迎眸

梅溪

沿山環渚

山莊春色數枝梅不逐東風開
鱗開瘦影自成高士質何須月下
美人來

竹林

墻陰交翠岸側脩然弥望成林何須渭濱千畝淇園為簍
處、園林竹徑斜水中尤喜綠陰遮
堦人無物供厨饌每到客來
劇笋芽

蘆花田

河渚之中地之高者則種梅種竹為梅埂竹埂卑者長者
俗稱蠶田秋到花飛飄蕩滿目

低田蠶筆自叢、蠶箔炊薪取不窮最喜秋來花似雪放舟點、
酒杯中

茶徑

沿山皆茶龍井第一清華次之春芽作片散香滿村

沿山處、採茶忙老婦前行挈姑娘幸得官租不及此免教拔本
種桑桑

田家

渚中父老能道神廟時太平遺事水旱頻仍樂事漸遠時
有築坡濬溝之議不果行

最喜田家穡事勤年來水旱不勝貧農田水利當官職何事幽人

費苦辛

村市

河渚少耕土、人以捕魚為業、間收梅子茶笋易粟而食、貿易之處、俗稱木橋

村中無貨可居、遷但有春茶秋筍、鞭竿網無心換美酒、聊將入市續炊烟

僧廬

山麓野剎處、饒裕今亦蕭然、可為民貧之慨

昨向湖心嘆寂寥、今來河渚過僧瓢、掩關不見人踪跡、想是前村乞食遙

漁響

午夜夢回捕魚聲、臨池畔風來窗前月近

孤燈讀罷未成眠中夜漁鼓响徹泉不是野人嫌耳聒喜無刁斗到河邊

梅花泉

柏家橋畔有泉在野田中傍虞園出泛水五珠作梅花樣
柏子待之瓦花愈急甘美為山泉冠

泉流澌、似梅花有色無香清可誇試把羽經重注釋虞園應過洞山茶

柳泉

泉在西溪道中每遇水旱溪乾此泉始見有柳根大如斗
歷年已久而不壞泉從根出因以名焉

楊柳根邊有古泉每當大旱水潺湲寒潭尚解商霖意隱現何妨一問天

曲水

渚中之泉相迴環水中有菴名曰曲水然曲水處、皆然不獨此菴也

屈曲溪流路欲迷桃源何必武陵西衣冠半古秦人意只有漁舟到碧溪

深潭

由曲水而北不一里至深潭一勺澄泓清波見其底間落箔數椽皆漁父之居

曲水行來半里賒數椽落、但漁家有時獨釣深潭水明月當中徹底華

鄒氏草堂

前輩鄒孝直先生始來河渚構一丈室顏曰河渚草堂遂

卜居焉四方名士多造廬燕飲河渚之名實始于此其後
諸隱君皆次第卜築今草堂非復故物不勝感愴

河渚名開自草堂四方名士酒杯場只今惟有清、水猶向門前
吊夕陽

新村大觀臺

臺不足紀以其面高山臨深溪雲樹迷離烟波浩渺足當
幽人之寓目故與草堂對舉

村、芑首競繁園河渚幽居六開喧惟有高臺臨水際烟波一望
滌塵煩

夜泛

月明風細扁舟中河四無人扣舷長歌

孤舟月夜任遨遊况有幽人三兩儔
起水隨山無碍處悠然歸詠

放漁舟

幽居

施子隱于河渚名其居曰幽居人以為地多流泉人務稼
穡故名余謂其意在思治亦幽風于曹檜之後云

邠居十五國風終風而綢繆一卷中野老不知荼苦意漫將穡
擬邠風

暫棲閣

此秦子課子處也前西北山之峰旁遶西溪水之園懸萬
國書擁百城令人低徊不能去

小閣時登四海豪南窗收盡北峯高暫將棲息煩庭話池上他年
看鳳毛

董文學九珂字二嘉一字我山徵君德偁仲子也徵君四子在中
最英利刻苦吳仲亦負義才而我山和平大雅介于其間孝第
之行克相埒之詩著有我山集我山婦為王陽州繼爵女于歸
前一歲楊州殉節道梗不得音問女素弱哭父哀毀而死君子
哀之

病起

香龕茶灶亦時移耳目俱澄鼻觀宜舊解玄言歸未半新推醫理
效應遲雨吹窗紙琴書潤風入庭槐衾枕知莫使登樓思極目白
雲飛霞淚如澌

陳公子自舜字小同一字克山御史朝輔子也其年稍晚出甚愧
其父以為以是頗不欲人稱為公子梨洲先生講學甬上小同
從之終日輯屨經學元、不休其人強毅方嚴于名教所在持

之甚篤生母沈氏不得于嫡卒于杭小同尚少長而補行三年之喪致哀盡礼隱居終身一日梨洲座上或言天啟時集官以某贈養即御史之訖為也小同為之數日不食喜購書儲藏為天一閣之亞

贈寧守李君

佐治賢穀重為邦往化均思波真似海炤燭向如神遂有良籌建能令薄俗醇可知書御札無那促雕輪既去思何武重來望冠帽趨承念道遠繫戀識情親黨塾楹猶舊祠宇貌尚新政留循吏傳歌達采風人此地感陰雨何時慰兆民四明貞石在紀績並嶙峋王文學之坪字文三一字忝堂知縣之坊弟也

偶成東公擇

道以躬行重神因口說滴何為長嘿、簡淡勝支離

張公子九英字梅先刑部翼之子也諸生負奇氣婦翁為棲霞令
陳治官梅先視之蔑如酒後謂曰莫道先生為泰山吾以永山
耳棲霞失色然愛其才更甚同社萬季埜最博學梅先不為之
下季埜嘗示以詩曰弱筆奄、耳而李埜心折之愈甚夜讀書
酒肉果資藥餌雜陳飢渴則隨手進之不辨為何物也梅先學
于梨洲之門最淺乙卯覆舟姚江而歿同人惜之是年海寇入
東臯其婦不屈而死有第九畹字蘭仙九孫字桂仙亦有才予
求梅仙兄弟詩不得及抄朱文柳堂集得其一首爰錄之

婦弟陳古修新婚贈詩

自來視戚為朋友唐時誨之其子厚子厚兩答誨之文戚友一道
曾分別予才不敢望柳州子為海乏亦何有以殷勤贈予言欲
兼二道得已否當今天下惑時文古學不講曾不醜若其丹鉛事

點竄文從字順兩質、有時下筆鏘、鳴終是兒女啁、靉龍文
百斛筆不扛焉能銜流而相羊子文筆力較傑異此未源、河漢
地聲牙結屈讀盤話萬卷牙籤俱盈筭苟善排風駕舟楫長年最
能亦相濟小焉風定浪亦平閑盡時口奪之氣七六經勤勸郎者
誰今茲貞女方于歸吾詩不雅亦不俚雞既鳴兮當蟲飛

李明經開字錫衮一字于實訓導如玉子也粹然長者以副車貢
太學

旅舍

千里遠親舍孤燈夢不成定煩思子淚莫慰倚門情壁燭風初冷
窗虛月正明露蛩教太苦偏近竹牀鳴

李孺人丁氏明經婦也名性覺在家事祖母即以孝聞及歸李氏
以姑喜嗜雪萊晨起踏冰擷之中寒而卒

晚晴

雨至園林景不同
雞冠花映海棠紅
凭欄無限新秋意
怕聒蟬聲噪晚風

張文學九林字璧存

旅夜

客思悠、倍黯然
離家半月似經年
誰怜楚岸淒其夜
剪燭寒蓬孤另天
酒薄無權難永寐
霜嚴有力促添綿
千迴不盡歸鄉夢
把道舟行又趨前

錢文學魯恭字漢臣一字果齋知臨江府若賡曾孫也學于梨洲之門梨洲語人曰漢臣學三年可以大成不幸二十七而歿

聽江樓

孤帆隨浪穩初日到江邊野曠人家小枝垂鵲戶低潮殺時上下風色任東西生計隨時足春蔬又滿畦

續耆舊卷百五

證人講社弟子之一

陸明經鑒字鈐侯一字雙水陸氏詩派自石溪方伯始教身舍人
繼之文虎又繼之春明又繼之至本朝少衰雙水振之其在南
湖秋水社中與族兄鑒並有名稱二陸胡京兆西園社亦以二
陸為眉目學于洲梨之門以明終雙水之詩正堂岳堂惺齋一
派盛行之日顧不隨于時風衆勢敦重沉厚足稱中流之砥然
知之者鮮矣

夏日雜詩

隆、三伏時高天蘊歟陽火雲紛屹立風起不飄揚
行其竹素將流覽當快意開窓納晚涼寸陰聖此惜君子貴自強
況予非少年浩歎興望洋誰言用三冬愛此夏日長

明誠堂拜石齋先生祠

堂為先生講學之訪庭中砌石象天圖人莫能解書解云
人須于剝復後見天地心我豈若畎畝中樂堯舜道蓋彼
謫後家居訪作也先生既殉國諸門人即此堂立主祠之
而以從難毛玉潔賴繼謹趙士超蔡春溶配焉

報國忠魂化碧瓦荒涼講室百年依几筵尚待新丹雘堂宇方看
護翠微荔子觴清血並飲苔階石聳鶴仍歸瓣香初爇神來下四
拜祠前淚染衣

經鷺門戰望有感

風掃龍腥盡亦昏居人指點舊軍屯平沙島落留鷺羽斷港潮平
露血痕屈強潢池終浪戰流傳正朔竟靈存田橫島沒今誰死吊
古重悲義士魂

哭姜西溪

狂波滿地鴈當門，晚遇何如一村雨。
載紫宸非得意，千秋青簡。更留痕點，零旂歸應晚。
悵花磚日不溫，墮涕幾番聞海客夢，中招得故人魂。

長樂遇吊錢忠介公墓

忼慨登壇豈義旗，日斜不受魯戈揮。
兩閭正氣留孤島，千載忠魂返故祠。
繞墓魚雲猶掩露，乘潮白馬自飛馳。
流傳筆墨人爭拾，珍重遺文宛瑛垂。

舟中撥悶

未用水字為意，意亦寒也。

休嗤龍織任人憎，逼窄低篷豈易勝。
浪白却從炎海傳，山紅盡有海雲蒸。
狂吟故態思金粟，毒病微軀骨已稜。
點浮峯天界近，可能赤脚踏層冰。

暑風向晚也生憎浴起霑衣扉未勝鬱挹輪囷溪樹臥奇文絢爛
陵霞蒸應知執熱須澆背可咲趨炎但模稜靜坐蓬窗涼夜望月
來朗映一壺冰

東坡問畢仲遊以杜陵仲遊答曰可比司馬遷東坡咲而頷
之杜陵真足比太史公非西臺不能為此言也予嘗謂雙水
詩可比班固未審世有能知之否

續耆舊卷百六

秋水社三謝詩

謝公子為霖字孝輔一字念蓼行人于宣長子也大父太僕當赧
王時為行人請恩卹并蔭一子念蓼也承任太僕入本朝而諱
之時念蓼年少頗以大父為非是謝氏丁亥戊子而後貽福鄉
里幾不得預衣冠之列矣念蓼刻意求雪之于故園諸遺民虛
己師友之于是高文隱學李文泉堂錢文退山皆稍一嘆曰山
公沙謂天地間尚有消息者也引而進之謝氏之得免排斥自
念蓼始念蓼少從應仲鵠受詩其古文亦有數惜不永其年

新筍歌

黃鸝叫斷春雨滋牆東新筍齊人眉昨宵轟雷復殷地龍孫解籜
標高枝曉來雨過扶游屐忽見數竿實砌石但期脫穎上千霄那

惜苔痕破新碧

過故宮

烽烟于今已十年雕甍碧瓦委蒼烟空勞築石穿雲竊無復清波
蕩西船荒徑可能留寶瑟游人犹想拾金鈿彩寫寂寞歸何處夜
月誰聽泣杜鵑

雜詩

東村宿瘤女十五被翟褕西鄰有羅敷三十老經樞容色豈在好
遭逢即彼姝窈窕世所羨此言毋乃迂娥眉生銷歇空負冰雪膚
南山鬱林莽猛虎何縱橫我欲往刺之嗟我無戈兵為何佩利器
袖手莫敢撓豈無卞莊太息徒躬耕

謝蓬萊為憲字孝定一字恕齋行人于宣第三子也康熙癸卯舉
人南湖前輩自朱文柳堂錢氏塾菴好言食經于是爭以治具

相尚遂成風俗而恕齋為甚酒非花露不飲肉非花猪不食謝氏自太僕致多金其富甲于甬上海經兵乱喪失之後尚以數十萬計此埋藏不可屈指而恕齋繞床阿堵用之如泥沙不以為意知蓬萊縣不諳吏事罷歸盡落其資然晉人風流之性成不以宴貧而減晚年連喪愛子困頓以卒其年在兄弟中最老壽故其晚景最寥落而其詩亦以此橫厲兼工書西蕭散有神韻恕齋身後世族祖約之往深以為戒是則牛羊之眠也

晏起

老盡鶯花物候遷愁心長寄藥爐邊青山千里望不到紅日一竿人尚眠亦欲不教兒輩覺其如偏愛世人憐為曾早起成何事工部當年亦惘然

出門

行出郭門始放船櫓聲嗚攬衣眠青山近人有如昨江水別來已隔年耳畔尚覺兒女語眼中忽與負販緣篷底生硬坐不快幸有豁達高秋天

謝公子為衡字孝德一字華楚行人于宣第五子也其才與二兄相埒一時有珠樹之目顧善病終曳支離床褥間為人敦篤尚古道蘊藉自喜楊推官楚石兄弟之死太僕以下手也及曹文遠思莽之草野賦詩感頌因嘆太僕諸孫皆能蓋德以自立然其與伯兄念夢皆早卒為可惜也

春日漫興

韻光次第到芳叢已見雙丸似轉蓬菜英雨連榆莢雨柳花風接棟花風水無涯蒞翻、碧花不知名故、紅我欲問春、不語亂次飛絮過牆東

蚤起

自是天難曙非緣幽意閑喚人來好鳥排闥有青山菜甲和霜摘
花枝帶月攀却驚漁父早昨夜未曾還

歲莫感懷

世事原如寄范、老俗塵愁生疑有種錢去已無神難得人依舊
徒恰步又新感懷聊自憫猶剩此閒身

東籬季埜

當年朝暮喜追陪此日君思怨未開花落六回人臥病月明千里
雁歸來索居始信文園苦感物應知鄴下哀何日松窗風雨夜重
携尊酒共徘徊

月夜微吟

小酌微醺欲暮時倦依冰簟夢回遲報來茶熟爐烟靜月上梧相

第幾枝

續耆舊卷百七

諸韋布詩

李孝子景濂字亦周五歲喪母六歲喪父哭位哀毀儼若成人時
繼母何甫于歸年僅十九苦節自矢母家有謀奪其志者景濂
聞之袖鉞錐擊諸路繼母感之益勵家故儒素能竭力奉甘旨
繼母得錮疾同其妻謹侍湯藥歷七年如一日當繼母之卒景
濂年且望七旬猶烏作孺子泣裋土成塋居廬三載月黑灯
昏風雨怒驟時輒望暮哭性好周急三黨蒙其任卹或不自知
年八十六而卒督撫以行上聞詔旌其居

倪鴻賓先生畫石

不獨玲瓏皺瘦奇直須下拜更何疑儼然覩面峴岩品想見凌雲
磅礴時正氣人間猶砥柱忠魂天上早騎箕親題丙子初秋畫六

十年來妙墨遺

汪濤字高源

思親 恐非此題

我無奇可問載酒孰相遇顧此醒然者其如春色何和氣蒸岸柳
疎雨濕烟蘿對坐不能已披髯一放歌

張文學鴻儒字魯客河內令起宗之父也有自旦樓集

馬吊歌

古人博奕從來有拂角彈棋名如久登場一擲尚樽蒲揮却千金
等敝帚今人嬉戲更奇妙聞牌賭墅名馬吊四子常將八葉分持
籌設策能先料方几橫施南北歧襟牌位置如有司但聞落葉丁
丁異四座無言瞬莫遲个中有趣更有賞、肩趣合為上、有時
色樣逼人來金錢頃刻歸大帑王孫裘馬翩然投不棄寒微與下

流貴賤賢愚同一席輕財提足須堅留有時忘餐并廢寢續膏繼
晷歡邪甚酒饋左列右安排慌張一掬不暇飲有時破產不為家
袖納腰纏誓不賒從中有客稱高手時、奪錦果非詩人生諸事
皆兒戲誰說英賢非玩世但恐淪沉悔莫返不如守拙甘捐棄狂
呼縱酒任君頑快事宜將馬吊刪名教迨來衆地有莫將花鳥笑
人間

通露筋祠

遺軀誰無愛貞心不可忘一朝血月冷千古姓名香碧水寒光動
荒祠古木長更聞靈爽異十里絕蚊芒

湯建復字旦友

古人更名者如袁燦本名慤孫袁昂本名千里袁半千本名
餘慶陸象先原名景初司馬相如原名太子李縉原名援

今昆陽五兄更名同人以詩賀之五兄索子和予謝不能
又強予為之何足異韓者之為歌珠愧珠玉在側矣

丞相庭前戟戟疎東陵學種帶經鋤非緣范叔呼張祿漫道長卿
續蘭如黃卷有情飢欲飽青毡無恙斫為齏知君猛意返先哲猶
有承明舊日塵

續耆舊卷百八

諸韋布詩

章文學朝鉦字上玉樓林諸子之一也

秋夜旅懷

潮來浮岸濶雲過撲天長蘆荻洲前白山光雨後蒼笑談舟去速
牽夢漏更長獨苦征人服愁沾九月霜

董太學德宸字拱兆丙戌後寓吳淞遂居馬荔城余談心同里則
錢丈燕山皆嘗稱其詩此著有歷游艸

賀梁鎮臺加秩宮保

玉帳宵嚴畫角鳴將軍細柳伏波營
旌表六月消烽火時雨三江洗甲兵
黃閣擁麾開重鎮紫宸下詔特持衡
分茅不負經綸志嘯咏金湯萬里城

月夜游太湖

短棹挑雲出輕帆
遙浪遊波搖孤巖
動山湧大荒流好句
酬明月
清尊歛素秋
鷗夷何處去湖水自悠

蔣文學弘憲字萬為

登先學士公墓

墓在隱學山東湖之東岡

疊巘圍深谷先塋隱碧峰
碑幾苔半蝕石地草全封
華表存遺跡
丹青憶舊容衣冠靈氣在感慨白雲封

石壓倒懸松

舊是徂徠百歲枝是誰倒插碧空垂
天披零露根先濕地擁清風葉自知
滄海雲驕龍作伴危岩水滴鳥生疑
依稀古畫形猶在
貓就當年星幾時

清明遙聞哭聲感傷先母

丙午秋七月適先母之變十月又進署中至次年清明不能出署蓋崔公之防鎖甚嚴為貧未祭傷如之何

嫩綠春光入柳條家、祭掃泣蘭橈。極怜雨露腸應斷。況後悲傷。淚未消。風急鳥啼清夢冷。天空月落墓門遙。幽魂縹緲應難覓。擬欲登高賦大招。

甲寅避亂移寓梓村所寫自述

寇作亂風鶴震鄰。運糧築城。民生鼎沸。予因挈家遠避。蓋梓村在鄞西南七十里深山之中。避居半載。

十里山光面、開采芝是處足徘徊。沙田瓜熟供新味。野澗魚肥佐客醅。竹色花香當岫出。樵歌牧唱夾溪來。生平夙有棲遲志。三徑琅玕手自栽。

董太學允璐字魯璫一字執夫諸生德塔子也孝友有家風其父

不得志而死時深追慕簪筆在軒以奉遺容以父字華公也此
著有筆在軒集執夫游鄧時鄧人思其王父守城之功為祀之
學宮君子美其先世焉

過祭風壇在嘉魚縣方即赤壁

兀坐江濱一峭帆相傳諸葛祭風壇樓船蟻接窺吳岸鉄鎖烟消
走阿瞞山不爭雄壁亦赤天非助順霧何漫至今來往南屏下迹
自淒然水亦寒

過洞庭湖步安世第韵

洞庭浩渺盡千樞曉來奔濤撼岳陽曾憶書生通尺牘豈無漁父
唱滄浪沙平淺渚鴈爭戲波湧遙天人自忙日月依然還出沒湯
湯犹自接荆襄

續耆舊卷百九

諸韋布詩

毛太學彰字煥文號閭齋有集社和社集閭齋近稿諸刻

觀太學石鼓二章章八句

受命告成紀事以策閱武中興勒勳以石義畫倉文虫書鳥跡歷
世相承欽守罔斁

其狀嶙峋其質渾樸似圓非圓雖琢不琢分象泰山含輝聖域如
彼歌器箴儒砭俗

入宅

奔走殘書卷經營費米鹽卸鞍塵息入宅瑣愁深索食兒牽袂
羞衣婦隔簾賣文資罄橐百費可能兼

畏人

靈鵲知風立班鳩識雨啼天公時爰幻雲影乍高低有路堪冲舉
無枝莫借棲三間書屋在從此息輪蹄

守夏詩

予自庚午倦遊還里築小齋于居之東偏題曰浣心聊以
息旦靜裡天大覺技隱之偏寬閒中日長惜塵顏之易老
值此朱明盛夏惟有杜門使非吟咏伸懷將何消日倚風
弄風修三伏之序周計日程篇怜二平之韻闕非鳴樂志
小適煩襟云尔

羣、雲峯爛熳紅幽居且喜似山中三梅雨過平川漲萬竹風迴
曲徑通監臥尋常書帙乱交游稀濶酒尊空年來頗得清閒味守
寂甘同桑苧翁

更于何處覓幃幃只此悠然定適從深樹引人逃鬱燠青山携我

抗塵容淵明嗜酒情非癖
叔夜彈琴興已慵
贏得半庭風
其月科
頭赤脚倚長松

漫說書生能事稀
清晨抱瓮破杯扉
蜀葵層疊花將盡
閩蕙參差
笋正肥
郭橐佻惟工種樹
漢陰直是要忘机
游蜂粉蝶從春去
仍向花枝故、飛

未能推蔭到人寰
獨善無如博一閒
半世行藏詩數卷
百年經濟
屋三間
偶然感激因懷古
漫索踟躕學舞斑
頭白老親相顧笑
謂予終不改痴頑

斗室中虛似艸亭
短床橫設傍疎櫺
爐中篆靜香生墨
鏡裡園開
影對屏
無事便為銷暑散
忘憂不著息心銘
奚童六解義皇興
一枕軒、睡不醒

猶記登臨白雪樓
濟城風雨送新秋
天因南北分涼燠
人為朋侪

憶去留伯玉詩文真大雅和因子第盡風流多時不見因驚問何
日歸來臥一邨

范文學溶字秋水有粟粒園詩集

黃泥浦荒寺

曲、孤村裏蕭條屋幾間松蒼疑化石雲定欲成山鼠窺窺梁竇
猿跳瞰石闕不知何代寺僧盡避清閒

續耆舊卷百十

諸布衣詩

朱隱君洞字孝酌一字靜軒諸生越之子也少稟家學其風流蘊藉彷彿其父隨侍秋水社中此渭碧梧翠竹者也及諸社長相繼喪亡即同輩亦多凋謝獨靜軒其恕齋秋二老余讀靜軒詩尚有不能忘情故國者斯其為深柳堂中之餘韻也靜軒今無後遺詩散失予求得其已刻未刻合定之要之非足本也

曉望

爽氣延朝暉山腰雲似帶迢睇陟層岡氤氲繞松檜平楚正蒼然樵歌振林外

秋日送魯水歸里時余將適光州

露下秋高汝水澈白蘋浪打明于雪淡雲疎雨城闌過歸鴻叫破

蒼烟滅此時不是送征人大隄楊柳何人折君車既脂我馬秣怕
聽陽關聲欲闕君歸喜得拜高堂我向天涯怨單子計程何處度
重陽登高莫負黃花節尺素時應報故人毋使索居心蘊結

夜坐

青燈細雨坐深更撼、西風一鴈鳴每恨酒無終夜力可知詩有
百年情年華已惜因循去幽意長憐恍惚生短榻蕭然愁不寐誰
窈玉笛弄新聲

春日漫興

日、題詩興不違園林次第送春暉暖風似酒桃花醉小雨如酥
韭葉肥每看遠峯當草閣偶尋修竹見柴扉歸來燕子曾相識入
戶還能款、扉

卜居

小、誅節鑑水頭波光鳥語駐清幽幾家烟火迷春望一片風光
乱客愁山色到林無遠近輕鷗狎水自沉浮林泉到處堪容睎擬
學張融岸上舟

周布衣章泰字憲臣一字琢隱諸生昌時子也布衣生于丙戌以
後而時以其父志未伸終身不求進取張尚書冰槎集布衣賣
田刻之每歲九月必之杭之南屏展尚書墓家居喜深衣幅巾
可謂畸士遂以此落其家遷居橫溪最少許家宗人則殷靖先
生其莫逆方外則印千也布衣之詩力慕囊雲然稍不逮要其
風格則不俗惜其非完集也

偶然作

煖雲白正閒高樹青未已好鳥豈有期微鳴度流水悠然思故人
浹旬忽向迹春風漫盈堦芳艸續桃李

宿或公房

五日坐君室對之如遠林幽光到地接秋風
襲人深未可嘗通意何妨不似今祇餘一山月相照百年心

南屏

霜曉浮來遠近秋客中何處最勾留半生未解南屏憶一死長寒東海流不用酒澆楓亦醉但徑履過草皆秋分明四十年逾五環顧鄰、盡首邱

索和虞美人花韻

金湯早失漢家年何論重瞳氣枉然一自烏江舟不渡遂教翠黛姓空懸身亡尚使花生色日暖長留春在天此後英雄半孺婦紛紛
楚草幾曾傳

續耆舊卷百十一

康熙以後縉紳之二

余司訓濡原名剛字改巽一字笠亭諸生派之弟也年九歲通五經已而私淑石齋先生之學稱醇儒語在其兄派傳先生考覈經史最精詩又蕭散家貧髫年即舌耕養親其母謂曰派也侍我濡也食我于是先生千里授徒每歲暮歸必得脯脩封識不啟悉付家督一門之內兄友弟恭愉如也館于刊上盛興鄧孝威輩唱和生平喜作水墨山水仿倪雲林筆意畫必有題興致超然大率詩如其畫如其人初先生不欲應試後亦以母命求祿養出食饌仕宣平學訓山縣海羅兵燹力與文教士習一新所著有滋玉堂拾草及笠亭遺稿先生詩見賞于梁鶴林二余齊名顧其兄無後予從其姻眷求得其集而滋玉諸集不

可得僅得其幽居詩一小卷為選錄之不禁嘆息

幽居雜詩

令節知頻至惟因自烏傳地容樊外竹天與菴中泉五尺庭心大
双扉巷篔簹但教微會意撿卷亦欣然

巷深垂日脚此地閑吾家數丈蓬開徑頻朝雨接沙僮聞時報竹
客至適鋤瓜何必幽岩見秋蘭不肯花

未作幾年計秋來飽目前小簷容散髮宿被且高眠自縱間時老
深推公輩賢資生天地意吾室豈終懸

贈界子葉氏

輕筇一路繞烟霞坐愛前山滿澗花不為尋君肯留住那知花裏
即君家

董學正允震字石雲一字觀山諸生應遵孫生平忠敬朴誠有篤
行君子風承先世任卹之遺勤施不倦其以明經司訓上虞也
李屬部昭武為文贈之稱其好學清修得自性成甘心淡薄不
競獵榮堦自求多益求盡古此謂司儒之職者可想見其官政
矣已而遷國子學政以親老不赴自是終身不出學政與鄭高
州寒村厚得聞證人之學故宜其造詣有不苟者此著曰一叢
歌集長子元聰與予善采詩之役最有傾助于余者

月湖秋泛

無心菱荷牽愁綠有意芙蓉背櫓紅指點榜人輕放櫂隨流欸、
向湖中

一字田中稻葉稀水仙祠畔蓼花肥鷺鷥窺人不肯去舟外鳬雛
學母飛

贈弘姬之房縣署

阿父為官事若何利興不似害除多清、雞肋同氏瘦個、山峰
入畫魔

衙齋何以得消閒埋罷琴書問藥錢且莫自矜醫國手微、一線
露圭弦

朔風初死別楚州王生五日到園耶墓田寒食忽、了似水光陰
又及秋

續耆舊卷百十二

西園諸子之二

京兆西園之會曰包石齋曰張蓉嶼曰董缶堂曰黃永園曰
謝春草恕齋莘野曰陸松塢曰張萼山曰徐遜山曰毛稚文
曰李六謙曰嘯堂和尚諸公多別見今以鹿亭御史為一卷
萼山別為一卷

胡京兆往邁字卓人一字鹿亭醴使文學子也舉人累官河南道
御史順天府丞少承膏腴之業長讀書李文昇堂邑文石齋其
文友也京兆為人和平長厚庶母汪氏與其生母洪氏有怨醴
使歿後宵人使訟于官汪祿正配欲洪下之訟雖不得直然醴
使之案多在其手為此簿去幾十萬京兆既貴以其父之少愛
坦懷待之論者以為難其官御史時力爭漕督情事至奉詔責

此不少動有古諫臣風泉堂集角上高儒傳承其志為之傾助
此居野意園蕭疎明慧極花鳥之勝未及六十卒予近年居停
即其適可軒故址也

西陵

閱盡滄桑隔世塵同誰吊古問遺闥伍胥廟下濤犹怒蘇小坟前草
又春明月易留歌舞地青山偏近綺羅人六桥往蹟犹如故添得
長堤花柳深

寄懷元友

欲別終不忍吳門握手時夕陽雙棹急孤館一灯遲翻下思家泪
多望寄遠詞今宵歸夢穩何故不相隨
問我長安况愁心未有涯宦游同作客書到當還家世事驚頽
春風聽賣花官曹羞寂寞無計度年華

一室

避俗門常掩留賓榻不懸庭空欣得樹屋小恰如船拙官往吾願
思家念昔年偶然吟吳發又手晚風前
胡恭人張氏名聖德底亭京兆元配也

至日新添一線長限韻寄外

牙牌拍弄藥欄旁只為推敲黯自傷珠柱艱難憂客邸寢興安否
問姑婢縱忘粧閱春光煖須念高堂爰日長薄倖郎今成底事從
今悔却鴈鴛鴦

黃都史裴字叢園

九日與俞子掌天敘潤

昔從湖上訂金蘭契濶于今二十年霜鬢忽驚吾輩老菊花還耐
故人香燕臺駿骨誰增價渠開蝎名只素餐出處難言身世事何
時偕隱息征鞍